

Građevinski fakultet u Sarajevu, ul. Patriotske lige br. 30., koga zastupa dekan prof. dr Samir Dolarević (u daljem tekstu: **Naručilac**) ID: 4200287770000; PDV broj: 200287770000
HETIG d.d. Sarajevo, Trg međunarodnog prijateljstva br. 11, koga zastupa direktor Suad Alić (u daljem tekstu: **Izvođač**) ID: 4200424270001 PDV: 200424270001, Transakcijski račun: 1941410011006181
zaključuju

U G O V O R O I Z V O Đ E N J U R A D O V A

na unutrašnjoj adaptaciji dijela objekta Instituta za geotehniku i geologiju Građevinskog fakulteta u Sarajevu

I. PREDMET UGOVORA

Član 1.

Predmet ovog ugovora su radovi – Radovi na objektima ili dijelovima objekata visokogradnje i niskogradnje za potrebe Građevinskog fakulteta i to sve prema Zahtjevu Naručioca br: 04-1-53-47-1/20 od 30.07.2020. godine i Ponudi Izvođača broj: 132-20/G. od 10.09.2020.godine, evidentirane kod ugovornog organa pod brojem: 04-1-53-47-8/20 od 14.09.2020.godine, koji su sastavni dio ovog ugovora.

Član 2.

Izvođač se obavezuje da će radove iz člana 1. ovog ugovora izvesti u skladu sa važećim zakonskim i drugim propisima, standardima, tehničkim normativima i pravilima struke, prema dostavljenoj i ovjerenoj specifikaciji radova (Aneks br.1), koja je sastavni dio prihvaćene ponude iz člana 1. ovog ugovora.

II. VRIJEDNOST RADOVA (CIJENA)

Član 3.

Ugovorne strane saglasne su da se radovi iz člana 1. ovog Ugovora izvrše prema fiksnim jediničnim cijenama datim u ponudi za iznos:

Cijena bez PDV-a	12.535,00 KM
PDV 17%	2.130,95 KM
UKUPNO:	14.665,95 KM

(slovima: četrnaesthiljadašeststotinašezdesetpet i 95/100)

III. ROK IZVOĐENJA RADOVA

Član 4.

Izvođač će radove završiti najdalje u roku od 30 dana od dana izdavanja narudžbenice, odnosno do 30.10.2020. godine, prema međusobno utvrđenoj dinamici.

Član 5.

Ugovoreni rok se može produžiti samo u slučaju:

1. zakašnjenja uvođenja u posao, za onoliko dana koliko je trajalo to zakašnjenje
2. više sile, za onoliko dana koliko su trajali razlozi produženja izazvani tom silom.

IV. OBRAČUN RADOVA I NAČIN PLAĆANJA

Član 6.

Obračun izvedenih radova vršit će se na osnovu stvarno izvedenih količina ovjerenih u građevinskom dnevniku i građevinskoj knjigi i fiksnih jediničnih cijena iz ugovorene Specifikacije.

Član 7.

Naručilac se obavezuje da će nakon prijema radova, te otklanjanju eventualnih nedostataka po Zapisniku o primopredaji radova, platiti izvođaču ovjereni račun u zakonskom roku. Plaćanje će se vršiti bez avansa.

Član 8.

Svi naknadni i nepredviđeni radovi koji bi se eventualno pojavili u toku izvođenja radova, mogu se izvesti samo na pisani zahtjev - nalog Naručioca, a nakon usaglašavanja, odnosno usvajanja novoformirane jedinične cijene od strane Naručioca.

(Naknadni radovi su oni koji nisu ugovoreni, a Naručilac u toku građenja zahtijeva da se izvedu, a nepredviđeni radovi su oni radovi koji ugovorom nisu obuhvaćeni, a koji se moraju izvesti.)

V. GARANCIJA

Član 9.

Izvođač radova odgovara za solidnost i kvalitet izvedenih radova za vrijeme od 25 (dvadesetpet) mjeseca, računajući od dana Ugovaranja. Unutar ovoga roka izvođač je obavezan da o svom trošku na pisani zahtjev Naručioca, otkloni sve nedostatke koji bi se pojavili na izvedenim radovima uslijed nesolidnog izvođenja ili upotrebe nekvalitetnog materijala. Bezuslovna bankarska garancija za uredno izvršenje posla u iznosu od 10 % vrijednosti ponude i poslužit će za pokrivanje svake šteta i troškova koje Ugovorni organ može imati ukoliko izabrani Ponuđač prekrši Ugovor o izvođenju radova. Uslovi povrata ili zadržavanja garancije za uredno izvršenje posla: vršit će se u skladu sa odredbama Pravilnika o formi garancije za ozbiljnost ponude i izvršenje ugovora („Službeni glasnik BiH” broj 90/14), odnosno odredbama Zakona o obligacionim odnosima.

Garancija za uredno izvršenje ugovora se predaje u roku od 15 (petnaest) dana od dana obostranog potpisivanja Ugovora. U slučaju da izabrani Ponuđač ne dostavi garanciju za uredno izvršenje Ugovora, zaključeni Ugovor se smatra apsolutno ništavnim.

VI. OBAVEZE UGOVORNIH STRANA

Član 10.

Pored obaveza koje su predviđene važećim propisima, ovim ugovorom Naručilac je obavezan:

- Uvesti Izvođača u posao, što se potvrđuje upisom u građevinski dnevnik i sačinjavanjem posebnog Protokola,
- Osloboditi prostor na kojem će se izvoditi radovi u maksimalno mogućoj mjeri;
- Predočiti/predati Izvođaču relevantnu projektnu dokumentaciju,
- Osigurati stručni nadzor nad izvođenjem radova, donošenjem posebnog akta,
- Obezbijediti korištenje električne energije, vode
- Definirati mjesta odlaganja demontiranih materijala

Član 11.

Naručilac će obezbijediti stalni stručni nadzor (pravno lice) za vrijeme izvođenja radova tj. do primopredaje radova koji su predmet ovog Ugovora, a Izvođač je dužan da postupa po uputama Nadzornog organa. Ukoliko ocijeni da se nalogima Nadzornog organa nanosi šteta objektu i samom Naručiocu, Izvođač je dužan o tome obavijestiti Naručioca pismenim putem, uz istovremeni upis u građevinski dnevnik. Pri obavljanju nadzora Nadzorni organ dužan je poštovati investiciono-tehničku dokumentaciju, važeće tehničke norme i preopruke definisane tehničkim listovima ili uputama za ugradnju odabranog materijala.

Član 12.

Pored obaveza koje su predviđene važećim propisima i ovim ugovorom Izvođač radova je obavezan:

- prema čl.72 (6) ZJN neće angažovati zaposlenike Građevinskog fakulteta u Sarajevu,
- dostaviti originalan i precizan dinamički plan izvođenja radova, prethodno odobren od strane ovlašćenih lica Naručioca. Rok za dostavu dinamičkog plana ne može biti duži od 5 dana od dana obostranog potpisa ovog ugovora;
- Izvođač ne smije odstupiti od Projekta projektna dokumentacije i ostale dokumentacije osim u slučajevima ako Naručilac i Nadzorni organ daju pismenu saglasnost.
- Izvođač je dužan da u toku radova traži od Nadzornog organa sva potrebna objašnjenja u pogledu investiciono-tehničke dokumentacije, tehničkih uslova, način izvršavanja ugovorenog posla i eventualne izmjene u ugradnji ugovorenog materijala. - Izvođač je dužan upozoriti Investitora na eventualne greške ili nedostatke u projektnoj dokumentaciji u pogledu sigurnosti i stabilnosti objekta ili nedostatke u tehničkoj dokumentaciji i to prije ili u toku izvođenja radova.
- Materijal mora odgovarati zahtjevima iz PREMJERA RADOVA i ponude (po opisima iz tenderske dokumentacije), važećim standardima i normativima, odnosno kvalitetu utvrđenom atestom ili propisima, i ne smije biti ispod dozvoljenog kvaliteta. Ako Izvođač po sopstvenom nahođenju, bez saglasnosti Investitora, ugradi materijal koji je kvalitetno bolji ili više cijene od ugovorene, nema pravo na posebnu naknadu.
- preduzme sve mjere da ne nanosi štetu u objektu i trećim licima u toku izvođenja radova,
- da preduzme sve mjere zaštite objekta na kojem se radovi izvode i osiguranja radnika, materijala, sredstava,
- da će obezbijediti stručnu snagu za obavljanje predmetnih radova izdavanjem odgovarajućeg rješenja o imenovanju rukovodioca radova,
- da otvori i uredno vodi građevinski dnevnik i građevinsku knjigu,
- da radove izvede stručno prema projektnoj dokumentaciji u skladu sa normama struke i zanata,
- da imenuje stručno i ovlašteno lice za rukovodioca radova koji su predmet ovog Ugovora,
- da Naručiocu omogući vršenje stručnog nadzora,

- da ugrađuje materijal i elemente koji odgovaraju standardima i propisima, koji imaju zadovoljavajuće ateste,
- da izvede sve eventualne nepredviđene nužne radove, s tim da prethodno sa Naručiocom usagłasi njihovu narudžbu,
- da odmah po završetku radova obavijesti Naručioca da su radovi koji su predmet ugovora završeni radi sačinjavanja zapisnika o primopredaji radova i izradi konačnog obračuna za ugrađeni materijal
- da dostavi odgovarajuću atestnu dokumentaciju i garanciju za izvedene radove sa rokom koji je definisan u članu 1. ovog ugovora.

VII. RJEŠAVANJE SPOROVA

Član 13.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ipak ne postigne, stvarno i mjesno nadležan je sud u Sarajevu. Ugovorne strane su saglasne da se o pitanjima koja nisu regulisana ovim ugovorom primjenjuju odredbe Zakona o obligacionim odnosima.

VIII. ZAVRŠNE ODREDBE

Član 14.

Sve izmjene ovog ugovora mogu se vršiti isključivo i samo uz pisanu saglasnost ugovornih strana. Ovaj ugovor stupa na snagu danom potpisivanja od strane ovlaštenih lica ugovornih strana. Ovaj ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA IZVOĐAČA :

Direktor

Suad Alić

Broj : 2060/20

Datum : 07.10.2020.



ZA NARUČIOCA :

Prof. dr. Samir Dolarević, dipl. inž. građ.

Broj: 04-7-53-47-13/20

Datum: 05.10.2020

